

## 3 Jon

### Naloʻbulat napolisulan na-vəha-tor-an aJon totesi

Ase itos naloʻbulat egai?

AJon tovi ahai susur siYesu, gai itosi.

AJon itos naloʻbulat egai hən nəsa?

Itosi hən ʔeʋusan alat siYesu hən naʋide hən ləbitoh, ʔon mai aGot mai nəvanuan tile gail.

AJon itos naloʻbulat van hən ase?

Itosi van hən aKaius mai alat lotokad nadəlomian len aYesu Kristo len naut ʔisi.

AJon itos naloʻbulat ʔais?

Hum ma totesi len nasihau A.D. 90.

1) Na-ke-ivoi-an van hən aKaius (1-4)

2) Sagigol tətəʋ hən naʋide tosa seTiotrefes, be gigol naʋide tivoi, gevi tarhət sihai ʔusan gail lotogəmgəm ei len nəyaran salito (5-12)

3) Nə-maris-kotovi-an (13-15)

#### *Na-ke-ivoi-an*

<sup>1</sup> Ginau, nəvanuan na-il-a-ṁo-an, nutos naloʻbulat egai van hən gaiug, aKaius, notoləmas bun gaiug len nakitinan.\*

<sup>2</sup> Gaiug, notoləmas bun gaiug, nous aGot ke tilav nədaʔan mai gaiug hən natit ʔisi len nəmauran saṁ ʔivoi ʔai ale hən gəʔimaur, hum notoləboi tia ke nələṁ tomaienən. <sup>3</sup> Nəkəmaienən husur nəboʔ nəbathudud nadəlomian galevis lototəlmam, lugol ginau nukemkem masuʋ nəboʔ lotokel kot nələṁ

\* **1:1:** Uman 19.29; Rom 16.23; 1Kor 1.14

todaŋ len aGot, mai naŋide sam̄ tohusur nakitinan ŋai. <sup>4</sup> Anatugw, nəboŋ notosəsəloŋ ke anatugw gail len nadəlomian lotohusur nakitinan, igol ginau nukemkem səhor natit p̄isi am.

*Igol aKaius eləŋon ivoi am len nəlon*

<sup>5</sup> Gaiug, notoləmas bun gaiug, len nadəlomian sam̄ goil gəgat nəboŋ gotoum vi tarhət sinəbathudud nadəlomian gail, naut kəmas lotovi metbos. <sup>6</sup> Len nəhon alat siYesu, galit lukel kot naləmas-buni-an sam̄ vi təban galito. Gevi tarhət salit len nəyaran salito len naŋide tonor hən nəsa aGot toləŋoni. <sup>7</sup> Husur len natuβatan hən nəyaran salit m̄os nahəsən Nasuβ, ləsəlav natideh sinəvanuan ləsəkad nadəlomian. <sup>8</sup> Imaienan, gidat m̄au datevi tarhət sinəvanuan nəyaran lotomaienan hən datbeum βonβon mai galito m̄os nakitinan.

*ATiotrefes mai aTemetrius*

<sup>9</sup> Ginau ŋutos natuhlobulat van hən alat siYesu tia hən ləbevi tarhət sinəvanuan nəyaran gale-nan, be aTiotrefes, toləŋon bun hən βeil a m̄o, gai emətahun ginamito. <sup>10</sup> Imaienan, nəboŋ nəβegəmai, dereh nikel urur nəsa gai togolgole: len nasoruan sasa elibliboŋ, kel nəmadunamito. Be savi natenan ŋai, gai emətahun nəbathudud nadəlomian gail lotoyar ləβitoh maii. Ale natsual am. Ikai tas nəvanuan gail lotohəhaŋur hən alat lotoyar ləβitoh mai galito, ale ehut galit dan alat siYesu.

<sup>11</sup> Gaiug, notoləmas bun gaiug, sagigol tətəv̄ hən nəsa tosa, be gol tətəv̄ hən nəsa tovoi. Gai togol nəsa tovoi, evi siGot; gai togol nəsa tosa, etətan hən aGot.

<sup>12</sup> Ivoi hən mətbevi tarhət siTemetrius. Nəvanuan

þisi lukel kot navoian san. Navoian len nəmauran san eṽusan nakitinan. Ginamit am namtukel kot navoian san, ale mətoləboii ke namtokitin ŋai.

*Nə-maris-kotovi-an*

<sup>13</sup> Nukad natit isoḅur hən nəḅitosi van hən gamito, be nomətahun nəḅitosi hən napen len naləḅulat. <sup>14</sup> Nuvatvat viri ke asike idareh neris gamito, ale dereh gidat datihol gabag.

<sup>15</sup> Nəlomit tikad natəḿat. Nabubur sidat gail lukel na-ke-ivoi-an van hən gamito. Kel na-ke-ivoi-an mai nabubur sinamit gail þisi ei.

**Nasoruan siGot len nasoruan ta Uluveu  
The New Testament in the Maskelynes language of  
Uluveu, Vanuatu  
Niutestamen long lanwis Maskelynes blong Uluveu,  
Vanuatu.  
Le Nouveau Testament dans la langue Maskelynes de  
Uluveu, Vanuatu.**

copyright © 2013 Wycliffe Bible Translators, Inc.

Language: Maskelynes

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

---

PDF generated using Haiola and XeLaTeX on 21 Feb 2024 from source files dated 31 Aug 2023

cb9da196-fced-5a7c-9540-74db5e4270fd